



7.47

[Jesuites]

2 ouvrages en 1 vol.





Plaidoyé

DE M. L. DOLLE' AD-
VOCAT EN LA COVR
de Parlement,

Pour les Curez de la ville de
Paris, demandeurs

Contre les Iesuites, defendeurs, des 13.

Le 16. Juillet 1594.

Avec les Arrests de la Cour de Parlement
contre lesdicts Iesuites.



A PARIS.

Par Mamert Patisson Imprimeur du Roy.
Chez Robert Estienne.

M. D. XCV.

Avec privilege.

[Large handwritten signature]

Signature de
Verdoris, c^{elle}
avocat du 16^e Août

Case

F

39

. 326.

1595 do

THE NEWBERRY
LIBRARY



ADVIS AV LECTEUR.

L'UNIVERSITE' de Paris
 ayant présenté requeste à la
 Cour de Parlement, tendant à ce que les Iesuites fussent exterminés de tout le Royaume de France: la pluspart des Curez de ceste ville interuindrent, se plaignans que les Iesuites entreprenoyent sur leurs parroisses sans leur permission, & troubloient la hierarchie Ecclesiastique par l'intrusion de leur ordre, qui n'a esté receu ny approuué de l'Eglise Gallicane. Je fus chargé de ceste cause, en laquelle i'ay retranché plusieurs poincts qui auoient esté touchez par M. A. ARNAVLD plai-

dant pour l'Vniuersité, comme ceux
qui secondent sont contrainsts de fai-
re pour euitier les redites. I'ay donné
cest aduis au Lecteur, à fin qu'il ex-
cuse les defauts de mon Plaidoyé qui
est manque, s'il n'est mis à la suite de
celuy de l'Vniuersité: & qu'il iuge
aussi que le premier ayant esmeu les
esprits, il me falloit commencer par
le mesme ton par où l'autre finissoit.





PLAIDOYE' DE

M. LOYS DOLLE', AD-

uocat en Parlement : Pour

les Curez de Paris

demandeurs,

Contre

Les Iesuites defendeurs, des 13.

& 16. Iuillet 1594.

MESSIEURS, Le Senat de Rome ayant condamné les sacrifices d'Isis & Serapis, ordōna que leur temple seroit ruiné, à fin que les Prestres Isiaques perdissent à iamais l'esperance de s'y habituer. Ceux qui eurent charge de ceste executiō, furent saisis d'une frayeur superstitieuse, & n'y oserent mettre la main: de peur qu'en violāt les autels de ces dieux estrangers, ils ne fussent foudroyez, com-

Plaidoyé de

me on les en menaçoit. Mais le Consul L. Emilius Paulus asseuré que tout ce qu'un citoyen faisoit pour le bien de son pais, estoit agreable à Dieu, despouilla sa robe de pourpre, prist la hache en main, & le premier enfonça la porte, pour donner exemple aux autres de faire comme luy. Il est aujourdhuy question de sçauoir, si on doit chasser du milieu de nous des estrangers, qui introduisent un nouuel ordre, qui n'est pas approuué de l'Eglise Gallicane, desquels la vie, les mœurs, & la doctrine est condamnée de long temps en l'esprit de tous les gens de bien : Parce que sous pretexte de pieté & de deuotion, ils sapent peu à peu les fondemens de l'Estat, desbauchent le peuple de l'obeissance naturelle qu'il doit à son Roy, luy derobent le cœur de ses sujets, pour les donner en proye au plus grand & plus dangereux des ennemis de la France, qui bastit de ses ruines, & comme un cruel Python cherche à deuorer ses enfans. Ceste poursuite n'est pas nouuellement inuentee par les demandeurs, il y a plus de trête ans que ce poinct a esté mis en deliberation : mais ceux qui traitoient ce mesme sujet, n'auoient point

l'avantage que nous y auons : parce qu'ils ne parloient que par coniectures de l'aduenir, dans lequel il n'y a que les plus clairvoyans qui puissent penetrer :

Nūc verò manifesta fides, Danaūque pateſcunt Infidiæ. Le reſſentiment du mal qu'ils ont fait, & l'apprehenſion d'un plus grād, nous doit faire courir au remede. Mais il y a des ames ſuperſtitieufes qui n'y oſent toucher, & imitās les Iuiſs qui ne ſ'oſerent defendre le iour du Sabat, aiment mieux ſe laiſſer meurtrir, que de reſiſter à ceux qui veulent faire vn fort de l'Egliſe, pour nous reduire en ſeruitude. Il y en a quelques-vns de ces eſprits foibles, qui ſont au reſte gēs de biē, mais ſont eſpouuātez de quelques terreurs Paniques, & palliſſent au ſeul nom de religieux, *ce u triſte bidental Mouerint inceſti. Nihil in ſpeciem fallacius eſt, quā praua religio: Vbi deorum numen ſceleribus prætenditur, ſubit animum timor, ne fraudibus humanis vindicandis diuini iuris immiſtum aliquid violemus.*

En ceſte anxieté (Messieurs) toute la France iette les yeux ſur vous, vous (dy-ie) qui auez touſiours vengé ſes iniures, ſans vous laiſſer emporter à ces vaines apprehenſions, qui du naturel des crocodiles,

Plaidoyé de

ne font mal qu'à ceux qui les craignent. Elle s'attend que non seulement vous ordonnerez, mais aussi que sans crainte de ces foudres menaçans vous representerez le courage de ce genereux Cōsul, que vous despouillerez la robe, & prendrez la coignée pour commencer vn si memorable exploict. Je me mesconte (Messieurs) & me laisse aller au fil de ceste cōparaison: vous n'aurez pas la peine de ceste execution, vous trouuerez encores vn bon nombre d'Emiles, s'ils trouuēt en vous la resolution de cest ancien Senat. Graces à Dieu, la fortune de France n'est pas si basse, qu'il faille quitter la robe: au cōtraire il luy faut donner l'honneur de ceste victoire, qui sera beaucoup plus absolue, que si elle estoit gaignee à coups de main: parce que l'éclat de vostre pourpre chassera ces enfans de tenebres, dissipera leurs impostures, & desfilant les yeux du peuple luy fera croire que la doctrine qu'il a receu pour se reuolter contre son Prince, est mauuaise, puis que vous en aurez condamné les auteurs.

Les demandeurs, pour qui ie parle, ont eu ce mesme but en ceste cause, & ont pensé que le nom qu'ils ont parmy le peuple,

qui ne cognoist point de plus forte raison que l'exemple, luy fera trouuer bõ ce qu'ils demandent: & fera reietter aux foibles esprits ce qu'ils verront improuué de ceux, qui ont charge de leurs consciences, & sur lesquels la calomnie des Iesuites n'a point de prise. S'ils estoient du nombre de ceux, qui ont seruy de proye aux mechans durant ces troubles, s'ils auoient esté chassez, pilliez, rançonnez, emprisonnez, quelcun pourroit dire qu'ils porteroient la main à leur mal en faisant ceste poursuite, qu'ils voudroient sacrifier à la vengeance, & que la memoire du passé les piqueroit plus que la crainte de l'auenir: mais ils sont exempts de ce soupçon: parce que la plus-part d'eux ne sont point sortis de ceste ville, où combien qu'ils veissent beaucoup de desordre, si n'ont ils point voulu abandonner le peuple malade. Et tout ainsi que ce capitaine Romain voyant fuir sa troupe, courut se mettre au deuant, à fin qu'il semblast qu'ils suiussent leur chef, & que ce faisant il couurist leur honte, & leur sauuaist l'honneur, qu'ils n'eussent plus tenu cher, s'ils l'eussent vne fois perdu du tout: ainsi les demandeurs y sont demeurez pour de-

Plaidoyé de

stourner les mauuais conseils, à l'exemple de Chusai: & à fin qu'adoucissans l'aigreur des esprits, ils les peussent ramener en leur bon sens, comme il est aduenu. Ils sçauent bien que ceste cause publique, est de la charge de monsieur le Procureur general, qui est l'œil du Roy, la langue de l'estat, le syndic de noz mœurs, & le premier moteur & reformateur de la police du Royaume: auquel ils ne veulent point enuier cest honneur, & le preuenir en ceste poursuite, en laquelle monsieur Brulart, grand exemple de la iuste seuerité, leur a ouuert le pas, & a esté suiuy de ses successeurs. Mais tout ainsi que le sage Ence ne dedaigna point d'escouter le Grec qu'Vlysse auoit delaisné parmy les Cyclopes: & apprit de luy ce qu'il ne pouuoit sçauoir, que d'un qui eust couru le danger: ainsi les demandeurs qui ont vescu parmy les Iesuites, lors qu'ils ont mis au iour leurs desseins longuemēt dissimulez, ont pensé que la Cour prendroit de bonne part leur aduertissement, & loüeroit l'intention qu'ils ont de s'armer à l'extirpation d'une secte si pernieuse non seulement à l'Estat, mais aussi au repos & tranquillité des consciences,

qui sont gesnees & tourmentees par les dangereuses opinions qu'ils y ont semé, & qui ne s'asseureront iamais en l'obeissance du Roy, qn'elles ne soient nourries d'une meilleure doctrine.

Lors que ceste question fut premierement agitée en ceste Cour, M. Pierre Verforis, qui plaidoit pour les Iesuites, se defendoit contre les Curez, qui se plaignoyent de leurs entreprises, disant, *Qu'il y auoit esté pourueu par l'assemblee de Poissy, que facto ipso ils n'auoient rien entrepris, que les Curez ne se plaignoient pour le passé, seulement vouloient prohiber qu'on n'entreprist à l'aduenir, ce qui estoit lors consenty & accordé par eux.* Il faut qu'ils cherchent à present quelque nouvelle defense: le temps a monstté que les Curez auoient aussi iuste occasion de craindre ces nouveaux moissonneurs, qu'auoit l'Vniuersité. Car tout ainsi qu'ils ont rompu l'ordre de l'Vniuersité, depuis qu'ils s'y sont glissez: aussi ont-ils peruertey la hierarchie Ecclesiastique, se sont portez en Curez vniuersels, & ont aboli le respect que les paroissiens deuoient à leurs pasteurs ordinaires. L'Vniuersité vous a faict ses plaintes, & fait toucher au doigt le mal qui

Plaidoyé de

est prouenu d'une si longue tolerance. Les inconueniētes qui vousont esté representez, vous feront iuger qu'il est bien dangereux de leur laisser l'institution de la ieunesse, & de commettre à la discretion de ces estrangers ceste petite semence de la Republique, qui se ressent tousiours de sa premiere nourriture:

Serpente ciconia pullos

Nutrit, & inuenta per denia rura lacerta:

Illi eadem sumtis quæerunt alimonia pennis.

Mais toutesfois ce n'est pas leur dernier but que de ruiner l'Vniuersité: l'institution des enfans n'est qu'un moyen de fin-
finuer dedans les villes: & tout ainsi que ce Geometrien promettoit de souleuer toute la terre, si on luy bailloit vn autre lieu ferme pour asseoir le pied de ses machines, aussi depuis qu'ils sont entrez en vne ville, par les escoles ils gaignent facilement le reste, & n'y a lieu où ils ne se fourrent impudemment:

Instant, morantur, persequuntur, occurrunt,

Et hinc & illinc, vsque, quaque, quacunque.

Lors qu'ils vindrent en ceste ville, ils ne demandoient que la permission d'enseigner, mais depuis ils y ont eu deux maisons: & durant les troubles auoient ietté
l'œil

l'œil sur le bastiment du parc des Tournelles, pour s'y bastir vne troisieme colonie. L'empereur Alexandre Seuere voulant receuoir la Religion Chrestienne à Rome, deux de ses amis l'en dissuaderent pour le danger qu'il y auoit que tout le peuple Romain ne se fist Chrestien, & que la maiesté de l'Empire ne s'alterast avec la religion. Ceste crainte estoit vaine, parce que les Chrestiens fussent neantmoins demeurez Romains, & eussent maintenu la dignité de leur republique: mais vn semblable conseil seroit icy bien plus à propos: car si les Iesuites sont supportez plus longuement, si par vostre douceur vous les laissez prendre racine en ce Royaume, il se faut attendre que tout le peuple deviendra Iesuite, c'est à dire, delaissera d'estre François, mesprisera les mœurs Françaises, & supportera plus volontiers la tyrânie d'un estrâger, que le gouuernement de son Prince legitime: tout ainsi que les chéures qui se sont laissé succer aux serpens, les recherchent puis apres, & perdēt l'amitié de leur propre geniture. Il y a plus de quarâte ans que les Iesuites furent reprouuez de l'aduis de toute la Sorbonne: neantmoins

Plaidoyé de

ils se vantent d'auoir pour eux vn decret de la faculté de Theologie, qui s'est retracté depuis la premiere assemblée de l'Vniuersité, où il n'y eut qu'un esprit & vne voix. Iugez (Messieurs) si ces hommes ont l'esprit de diuision, puis qu'ils font vaciller vne si celebre compagnie : & les voyant soustenus de ceux qui autresfois estoient leurs plus grans aduersaires, Iugez s'ils ont profité en nos diuisions, s'ils se sont accreus de nos ruines, veu que dedans les troubles ils ont trouué leur affermissement. Si ces graues & venerables Theologiens, qui ont autresfois condamné les Iesuites, se pouuoient releuer du tombeau, pour contempler ce que leurs successeurs font aujourdhuy, quelle honte ils auroient de voir qu'ils assistent les Iesuites de leur auctorité, & que par leur decret ils les appellent *venerabiles patres societatis Iesu*, qui sont tiltres defendus par vos arrests! Mes parties qui sont du corps de la Sorbonne, n'auront point de part à ce deshonneur, ils veulent perseuerer en la resolution de leurs predecesseurs, laquelle n'aura pas moins d'auctorité que ce pretendu decret de leurs Escholiers. Il est vray que les Iesuites m'ont

dict en cōmuniquant, que ie n'estoy point receuable en mes conclusions, parce que ie n'auoy charge que de peu de Curez. Je respons & recognoy franchement, que ie n'ay pas charge de tous, que ie ne suis point pour des Bouchers, des Hamiltons, & autres semblables noms de sedition: mais la suffisance, la doctrine, & la probité de ceux pour qui ie parle, fera iuger à la Cour, que le moindre d'eux, *esse debet instar omnium*. Si entre les Ecclesiastiques de Paris il y a cent hommes de bien, si cinquante, si dix, si deux, la Cour ne reiettera point leur iuste requeste, & suppléeront le défaut de ceux qui sont encores preuenus de l'opinion des Iesuites, qui ont peruertie les ieunes Theologiens, depuis qu'on leur a permis d'aller estudier chez eux.

Mes parties donc vous supplient treshumblement (Messieurs) de prendre les raisons qu'ils veulent deduire, autres que celles de l'Vniuersité, à laquelle ils laissent le discours de ses droits & priuileges, & la plainte de ceux, *Corrumpūt totum qui puerile secus*. De nostre part, nous soustenons que les Iesuites ne sont point en la hierarchie Ecclesiastique, ny comme Prestres secu-

Plaidoyé de

liers, ny comme reguliers, qui est tout ce qui nous touche, & que nous leur voulons disputer. Et à fin que le combat soit esgal & de pair à pair, nous ne nous voulons icy preualoir du faict des troubles, nous leur permettons de s'aider de la clemence du Roy, nous ne toucherōs pas aux hommes, mais nos raisons porteront sur l'institution de leur ordre, que nous appellons College illicite: parce qu'il n'a iamais esté receu en France. L'aduis du Colloque de Poissy fait foy de ce poinct, ie n'en veux pas de meilleurs tesmoins qu'eux-mesmes. Voicy les propres termes du Plaidoyé de M. Pierre Verforis, qui a autresfois esté leur Advocat: *Pour respondre doncques, l'estat de ceste cause, & les conclusions de nostre requeste, elle ne tend pas à la reception de cest ordre (car cela n'est point demandé) & quand on le demandera, il sera tout à tēps de le disputer.* Si ie me veux cōtenter de rēdre à ma cause ce que ie luy doy, ie peuxici faire fin. Les Iesuites en l'an soixāte quatre, n'auoient point demandé que leur ordre fust receu en France, ils ne l'ont demandé ny obtenu depuis: il est donc vray qu'ils sont entrez en l'Eglise par la fenestre & en larrons, puis qu'ils y sont venus sans

congé. Mais il faut dire ce qui est: lors que vostre Aduocat disoit ce que j'ay tiré de son Plaidoyé, il vouloit seruir à sa cause. Car à la verité vous n'auiez pas eu faute de cœur, ny de conseil, à rechercher l'approbation de vostre ordre: mais vous faisiez semblant de ne point desirer ce qu'on vous auoit refusé. Nos maieurs bien conseillez, iugerent qu'il valoit mieux reformer les anciens que d'en receuoir vn nouveau, qui venoit de l'inuention d'un Espagnol, & resentoit son autheur: ils craignoient de prendre des espines avec des roses, & d'introduire avec la religion des mœurs estrangeres, qui nous sont fatalemēt dangereuses. Car ainsi que les poëtes ont dict, que le bon-heur des Pheaciens finit aussi tost que les estrangers y furent entrez: aussi auōs-nous esprouué que ce melange nous est nuisible, & que l'inhospitalité nous seroit plus vtile que nostre facilité naturelle. Il est vray que les François aiment la nouveauté, mais c'est en toute autre chose qu'en la religion, qui n'a rien de muable, & ne s'edifie point par la varieté de nouvelles ceremonies. On dit qu'il y a vne sorte de chesne qui se nomme *æsculus*, qui

Plaidoyé de

a les racines aussi lōgues que les branches,

- *quæ quantum vertice ad auras*

Aetherias, tantum radice ad tartara tendit. La vraye religion luy ressemble, elle doit auoir autant ou plus de solide fondement, que d'apparēce exterieure. Le meilleur ordre de tous les religieux, est le plus anciē: parce que c'est le plus simple. Les premiers anachorettes viuoient en ceste simplicité, mais depuis qu'ils cōmencerent à regarder derriere eux, à retourner sur leurs pas, & que pour enseigner le peuple ils se remellerent au monde, ils sentirent aussi tost la contagiō des vices, qui les fait mespriser. Cela fut cause d'instituer des nouueaux ordres de moines, qui pour se recommander, inuenterēt des nouuelles ceremonies, nouuelles austeritez, nouueaux habits: ce qui vieillit peu à peu en l'esprit du vulgaire, qui n'a le iugement que dans les yeux. Les Iesuites sont venus les derniers, qui pour auoir aussi la grace du peuple, ont surpassé tous les autres en nouueauté de doctrine, & excès de ceremonies: à cause de quoy les anciens Theologiēs les iugerēt pernicieux à l'Estat & à la Religion, qui craint toute sorte de changement, & comme le cube des Geo-

metriens , doit tousiours auoir vne mesme face. Et pour ceste mesme occasiō les Romains ne receurent iamais chez eux la superstition des autres natiōs, & en bānirent toutes ceremonies inusitees. *Quoties* (dit vn autheur) *hoc patrum auorūque etate negotium est magistratibus datum, vt sacra externa fieri vetarent: sacrificulos, vates, foro, circo, vrbe prohiberent: omnem disciplinam sacrificandi, præterquam more Romano, abolerent. Iudicabant enim prudentissimi viri diuini humanique iuris, nil æquè desolandæ religionis esse, vbi non patrio, sed externo ritu sacrificaretur.* Vous dites que vostre ordre est receu à Rome, en Italie, en Espagne, que le Pape est chef de la hierarchie de l'Eglise, duquel depend toute la iurisdiction qui est en l'Eglise: Vous pensez par là nous lier la langue & les mains, & nous dites en vn mot,

- *pueri sacer est locus, extrâ*

Meÿte. - Vous sçauiez quelle response ie vous doy faire: Je ne doute point de la puissance du Pape, *sed appello Tribunos*, i'inuoque les libertez de l'Eglise Gallicane. Si vous m'en demandez preuue, comme vous auez accoustumé de vous en moquer, & d'appeller ces libertez, heresies,

Plaidoyé de

confugiam ad statuam mei Caesaris : Je vous monſtreray ſa Couronne pour toute preuve ; & ſi vous n'en eſtes contents, à l'exemple de ceſt ancien Gaulois, j'y adiouſteray ſon eſpee. Mais ce n'eſt pas icy le lieu d'en diſputer, ie vous diray ſeulement, qu'il y a plus de trente religions en Italie, qui n'ont point paſſé les monts, entre leſquelles eſt celle des Ieſuites ſurnommez Scobtins, & de ceux qui ſe ſont appelez les Preſtres du bon Ieſus, que ces beaux tiltres n'ont pas authoriſé entre nous : & pour cela les François n'ont pas laiſſé d'eſtre enfans tres-obeiſſans de l'Egliſe Catholique, Apoſtolique & Romaine. Ne penſez donc plus que les loix de police de Rome puiſſent obliger la France, par trop ialouſe de ſa liberté, pour endurer des garniſons d'eſtrangers, dont les mœurs, les reigles, la doctrine luy eſt ſuſpecte. Vous avez touché en vn mot ce qui nous eſloigne de vous : *L'humanité & gaillardie Françoisiſe ne ſe peuvent aiſément accorder avec la gravité & ſeuerité Eſpagnole.* (ce ſont les epithetes que vous donnez à nous & à nos ennemis.) Nous ne vous ſçaurions voir de bon œil : parce que depuis que vous eſtes
parmy

parmy nous, vous ne vous estes point appriuoisez, vous vous tenez couuerts, vous cachez vostre vie à tout le monde, *monstri nescio quid alitis*. Si vous estes Prestres séculiers, pourquoy vous retirez-vous en des conuēts? si religieux, pourquoy auez-vous honte de le confesser? L'institution de vostre ordre a vn beau frontispice, vous vous obligez aux vœux ordinaires des religieux, vous faites professiō d'humilité & de mendicité: mais on dira de vous ce que Diogenes disoit des Lacedemoniens mal vestus, *alter fastus*: vous couurez de plus hautes conceptions sous ceste feinte simplicité, sous vos haïres vous cachez le pourpre, sous vos cendres vn feu d'ambition. On vous adaptera ce traitt du Comique,

Ἀτὰρ τί ποτ' ἐς τὴν γῆν βλέπουσιν οὐτοί;

Ζητοῦσι οὐτοί τε καὶ γῆς.

Vous portez la veüe en terre, parce que vous y cherchez les biens & les honneurs. Je vous supplie (Messieurs) cōsiderer combien leur progrès est merueilleux. Car depuis l'an 540. qu'ils furent confirmez & limitez au nombre de soixante, qu'ils ne pourroient surpasser, ils ont fait bastir plus de quatre cens residences, se sont multi-

Plaidoyé de

pliez iusques à sept ou huit mil en si peu de
prouinces où ils sont tolerez: sont deuenus
Inquisiteurs de la Foy, Euesques & Cardi-
naux, à quoy les autres Moines ne sont
paruenus deux cens ans apres leur premie-
re institution, quoy qu'elle ait commencé
par quelque saint personnage. Ceux qui
ont trauaillé le moins en la vigne du Sei-
gneur, & qui n'ont point supporté la cha-
leur du iour, sont les mieux recompensez:
le Royaume de l'Eglise est en proye, & *vio-*
lenti rapiunt illud. Je reciteray à ce propos ce
qu'un historien, qui estoit de leur ordre,
dit de leur arrogance & presumption: voi-
cy ce qu'il escrit en la vie du Pape Paul 4.
liure 6. apres auoir parlé de Theatins, *Hi*
sunt alij à Iesuinitis: nam hi sibi videntur soli so-
cietatem contraxisse cum Iesu: vulgus tamen eos
quoque Theatinos in Italia, Hispaniaque vocare
solet, cum Nolæ in Campania Iesuini dicantur,
Ferrariæ Scofiotti, Bononiæ Presbyteri sanctæ
Luciæ, Mutinæ Reformati sacerdotes, in Hispa-
nia Ignatiani, à principe sectæ Ignatio Loyola,
milite Cantabro, aliâque passim nomina habeant,
& à Paulo 3. confirmati dicantur. In eo sanè ni-
mium sapientes, quod se putant celo vel ipsi qua n-
doque imperaturos. Que si leur ambition

nous desplaist, leur auarice ne nous fait pas moins de mal: car sous la profession de pauvreté ils ont amassé tant de richesses, qu'elles égalent celles des plus grans monarques, & multiplieront par leurs artifices, si vous n'y donnez ordre. Ils interpretent leur vœu tant à leur aduantage, que la iouissance de tous les biens de la terre n'y fait point de breche. Voicy les mots de leur regle, *Voueant singuli & vniuersi perpetuam paupertatem: declarantes quod non solum priuatim, sed neque etiam communiter possint pro societatis sustentatione, aut usu, ad bona aliqua stabilia, aut ad prouentus, seu introitus aliquot, ius aliquod ciuile acquirere: sed sint contenti usu tantum rerum ad necessaria sibi comparanda.* Mais ils se rient des Iuriscultes, qui disent que l'usufruit ne peut estre perpetuellement separé de la propriété: & adioustent, *Possint tamen habere in vniuersitatibus collegium seu collegia habentia redditus, census, seu possessiones, vñsibus necessarijs studentium applicandas, retenta penes præpositum & societatem omnimoda gubernatione seu superintenduntia supra dicta collegia, & dictos studentes.* Leurs vœux ne sont donc que Chimeres & secondes intentions, par lesquelles

Plaidoyé de

Ils neantmoins ils ont si bien eschaufé la charité de nostre siecle (que chacun dict estre refroidie) qu'ils sont les plus riches de ceux qui prennent le tiltre de pauureté. Ils relaschent ainsi l'obligation de tous leurs autres vœux, comme il leur plaist : car leur principale regle est de n'en auoir point de certaine. Voicy ce que disent leurs constitutions, *Ratio viuendi in exterioribus quidem communis est, nec ullas pœnitentias externas, aut corporis afflictiones ordinarias, ex obligatione subeundas habet: ex constitut. 4. & 16.* Tout gist en la volonté de leur General, auquel le Pape Paul 3. donna permission de faire des nouveaux statuts, & de changer, ou du tout abroger ce que leur auoit laissé leur premier instituteur. *Quàm multa dantur oper-tis oculis!* L'indulgence des Papes a eleué ceste nouuelle secte non seulement par dessus les Curez, mais aussi les Euesques & Archeuesques. La bulle du Pape Paul 4. an 1555. 3. Iunij, tribuit eis facultatem absoluendi ab omnibus casibus, etiam ijs qui non sunt in bulla cœnæ Domini comprehensi, ab ijs etiam qui sunt Apostolicæ sedi soli reseruati, vota & peregrinationes pro tempore commutandi, missam ante diem exortum, & post meridiem celebrandi, Ecclesia-

stica sacramenta administrandi, officium Romanum nouum, non ex præcepto, sed ex libertate dicendi. Qui pourroit supporter ces hommes insupportables ? Le Pape Iules 3. par sa bulle du 22. d'Octobre 1552. donne pouuoir aux Iesuites profés, de dispenser des ieunes & des viandes defendues. Celle du Pape Paul 3. 15. cal. Nouemb. 1549. permet au General des Iesuites de dispenser ceux qui sont en irregularité, & d'absoudre les heretiques : toutesfois le Pape pretend que toute l'Eglise Gallicane ne le peut faire. Gregoire 13. en l'an 1575. leur donne permission de conuerfer avec les heretiques : & à ceste fin de changer d'habit, & se deguiser : ce qui est contraire aux constitutions canoniques. *c. vidua. 20. q. 1. c. Episcopi. 21. q. 4.* Il leur donne aussi pouuoir de corriger toutes sortes de liures, & notamment *emendandi patrum scripta.* Dequoy on sçait comment ils ont abusé, en deprauant les plus beaux monumens de l'antiquité : ce qui acheuera de ruiner les bonnes lettres, tout ainsi que la temerité de certains ignorans, qui faisoient des abreges des bons liures il y a huit ou neuf cens ans, les a entierement corrompu. Mais en-

Plaidoyé de

Et tous ces priuileges il y en a vn, qui est merueilleusement preiudiciable aux demandeurs: car le Pape Paul 3. en la bulle cotee cy dessus, permet au peuple de sortir de sa parroisse, & laisser ses Pasteurs ordinaires, pour aller receuoir les Sacremens de la main des Iesuites. Et Gregoire 13. en la bulle de l'an 76. du 16. de Iuillet, les fait superintédans de toute l'Eglise: *animaduertere tam in clerum, quàm in plebem, ut ritè & more Romano, rectè, deuotè, reuerenter, ornate, decenter cuncta peragantur.* Les voila maistres des ceremonies, les voila Curez & Pasteurs vniuersels, *sed apio de vta, & circumcelliones, & verè hamaxarij Episcopi.* Encores ne se font-ils pas contentez d'attenter à l'ordre Ecclesiastic, ils ont donné iusques au temporel. La bulle de Pius III. 14. *Aprilis, anno 1561. dat eis potestatem edificandi collegia vbicunque locorum voluerint.* Et le premier qui les-a authorisé, leur permet de graduer en priué leurs escoliers, de lire & enseigner publiquement en toutes Vniuersitez, de demeurer où il leur plaist: exempte leurs heritages du payement des dixmes, & de toutes autres contributions, en ces termes, *Ipsa verò societas, & illorum*

bona, ab omni superioritate, iurisdictione, & correctione omnium sunt exempta, liberata, & sub A. S. protectione. Les loix de l'Eglise & de l'Estat ne sçauroient compatir avec ces grands priuileges, & vous ne vous sçauriez garder d'en vser: qui plus est, vous en obtenez tous les iours de plus specieux contre les defenses, qui vous en furent faites en l'assemblée de Poissy. Il faut adiouster à cela que vous avez vn vœu special d'obeissance à vostre General, que vous reconnoissez & reuez comme Iesus Christ en terre: & le plus haut poinct de vostre religion, est de se mortifier en soy-mesme, estoufer toutes ses volontez, perdre son liberal arbitre, pour se conformer à l'intention du superieur, sans entrer en consideration de ses merites. Ignace escriuant aux Iesuites de Portugal, dict qu'il veut bien que les autres religieux surpassent les siens en austerité de vie, pourueu qu'ils excellent en la parfaite obeissance, qui gist à renoncer à son propre iugemēt, pour se conformer du tout à celuy du superieur, quel qu'il soit. Voicy les mots de leur reigle, *Omnes perfectæ obedientiæ se dedant, superiorem, quicumque ille sit, & subordinatos officiales, qui*

Plaidoyé de

ex ipso auctoritatem habent, in omnibus quæ ad ipsorum officia pertinent, loco Christi agnoscant, & perinde à diuina prouidentia per superiorem regi se sinant, ac si cadauer essent, aut baculus in manu senis. constit. 31. 36. 38. Mais peut estre que cela se pourroit interpreter fainement, si eux mesmes n'auoient mis ce precepte hors de toute exception: comme lon voit en la 32. reigle, qui enjoint d'obeir au chef *per omnia & in omnibus*, bien qu'il commande des choses difficiles & repugnantes au sens commun. Voicy ce que i'en ay trouué en vn de leurs liures, qui sont tresdifficiles à recouurer: parce qu'il leur est defendu de communiquer leurs reiglemens: *Si quando tempus inciderit, quo mihi videatur à superiore meo quid præcipi, quod contra conscientiam meam sit, superiori verò aliud videatur, illi potius quàm mihi credam.* Y a-il rien plus esloigné de la pureté Chrestienne, que ceste auetugle obeissance? Si vostre supérieur vous commande d'aller caimander d'huis en huis, de porter des habillemens deschirez, de manger à terre, de vous veautrer dans la fange, de vous baigner en hyuer (vous tentez ainsi vos neophytes) pensez-vous que cela vous soit réputé à iustice?

Que

Que faites-vous autre chose qu'imiter les idolatres sacrifices de Mithra ? Dieu nous a donné la raison comme vn flambeau, pour adresser le cours incertain de nostre vie : ces gens icy la laissent, pour suiure la volonté d'autrui, quelque bestiale qu'elle soit. Et tout ainsi que les Scythes n'ayans point de vin s'en yuroient avec des parfums d'herbes brulees, & prenoient plaisir à chasser la raison de son siege, & s'endormir le iugement : ainsi ces hommes s'affoiblissent l'entendement, & creuent les yeux de leurs esprits, à fin de suiure vn guide, qui peut auoir vn mauuais dessein, puis qu'il est hōme, & qu'il ne rend autre raison que son plaisir, cōme en vn estat monarchique. Il est mal-aisé que vous nous puissiez bien-vouloir, si vous estes obligez de suiure l'humour de vostre General, qui est tousiours sujet du Roy d'Espagne, comme la Cour a entēdu, & qui reside continuellemēt à Rome, avec les principaux de son ordre, qui ont si bien charmé les Papes, qu'ils les appellent par leurs bulles *oculos mentis sue*. Le credit que vous auez à Rome, & l'obeissance que vous rendez à vostre General Espagnol, nous fait iuger que vous ne pouuez

d

Plaidoyé de

conuerſer avec nous, ſi le conſeil de Rome fauoriſe l'Eſpagnol:

Sed Romæ quis non? ah, ſi fas dicere! ſed fas, cedo, ſi parium complicemur: parlons ouuertement, à fin que chacun ſçaſche combien vous eſtes dangereux. Les rigueurs qu'on nout tient à Rome, font foy du pouuoir qu'y ont les Eſpagnols, qui aſſiegent continuellemēt la perſonne du Pape, & comme Harpyes ſouillent & polluent tout ce qui entre en ſon eſprit, de peur qu'il ne leur oſte le pretexte qu'ils prennent de nous faire mal. Si donc le Pape preuenue de la faction d'Eſpagne, nous veut traicter comme eſtrangers, ſ'il nous refuſe ſes bonnes graces, ſinon qu'il nous preſſe le col de ſon pied: ſi pour ouurir le ciel, qu'on nous tiēt ſi longuement fermé, *mouendi ſunt lapides manales*: ſi l'Egliſe de France ſ'aſſemble pour defendre ſes libertez, pourrez-vous viure en noſtre horiſon, vous qui auez vn autre Soleil que nous? Vous tenez pour anathemes ceux qui ont ſuiui le Roy: nous croyons que luy deſobeir ſoit reſiſter à Dieu, & combattre le Ciel, comme les Geans. Vous croyez qu'il eſt loiſible au Pape d'excommunier les Rois & les peu-

ples quand il luy plaist : & nous sommes de l'aduis de Sigebert anciē chroniqueur, qui tient pour heretiques ceux qui disent, que le Pape peut employer la puissance de l'Eglise en vne dissension d'Estat, & autho-
 riser le glaive temporel du spirituel. Vous luy attribuez vne puissance infinie sur toutes les puissances du monde, vous le mettez par dessus l'Eglise, vous confondez son pouuoir & son vouloir: de nostre part nous luy deferons aussi beaucoup, nous luy donnons vn grand pouuoir, mais reiglé: nous l'eleuons au dessus des choses caduques, nous disons que toute la terre sert de borne à sa iurisdiction spirituelle, que sa grandeur n'est pas de ce monde, que tout ce qui est hors de l'Eglise est indigne de luy. Je ne puis en ce lieu passer légèrement l'autorité de Sigebert, que i'ay allegué, il faut que son texte frappe l'esprit de tous les François, & qu'il y demeure à iamais en-
 graué. Voicy ce qu'il dit sur l'an 1088. parlant des dissensions du Pape Urbain, & de l'Empereur Henry, *Hinc in Ecclesia scandala, & in regno auescunt dissidia, dum alter ab altero dissidet, dum regnum & sacerdotium dissentit, dum alter alterum excommunicat, alter alterius*

Plaidoyé de

excommunicationem aut ex causæ, aut ex personæ præiudicio contemnit: dūmque alter in alterum excommunicandi auctoritate magis ex suo libitu, quàm ex iustitiæ respectu abutitur, auctoritas illius qui dedit potestatem ligandi, ac solvendi, omnino despicitur. Nimirum, ut pace omnium bonorum dixerim, hæc sola novitas, non dicam hæresis, necdum in mūdo emerferat, ut sacerdotes illius, qui dixit regi apostata, & qui regnare facit hypocritam propter peccata populi, doceant populum, quòd malis regibus nullam debeant subiectionem, & licet eis sacramentum fidelitatis fecerint, nullam tamen debeant fidelitatem, nec periuri dicantur qui contra regem senserint, imò qui regi paruerit, pro excommunicato habeatur, qui contra regē fecerit à noxa iniustitiæ & periurij absolva-
tur. Cest autheur a prophetisé pour nostre siecle, où l'ambition a causé le schisme en l'Eglise, & le schisme entretient mesme entre les Catholiques le mespris des principaux ministres de l'Eglise, & ne finira ce desordre, que par la fin des entreprises qui se fōt au gré d'un vsurpateur de royaumes. Il me souvient d'avoir leu que *L. Metellus Pontifex Max.. A. Posthumium cōsulem*, quoniam idem & *Flamē Martialis* erat, cū ille ad bellum proficisci velleret, in vrbe tenuit, nec passus est à sa-

cris recedere. Voila vne belle leçon écrite aux Ecclesiastiques, & entre tous *summo nostro Pontifici*, qui sera reueré en France plus qu'en lieu du monde, quand il aura soin des choses spirituelles, ne touchera point aux temporelles, retiendra les gens d'Eglise en leur deuoir, *nec patietur eos à sacris recedere.* Mais tandis que nous serons en ces diuisions, il faut éloigner de nous non seulement le mal, mais aussi la crainte, qui se représentera tant & si longuement que nous endurerons des gens si mal affectionnez, *& quorum sceleri ac furori non mens, aut timor, sed fortuna reipublicæ obstitit*, comme nous auons trop esprouué.

Voila (Messieurs) les premieres raisons qui nous font reprouuer les Iesuites, qui ne touchent point à leurs actions, comme nous auons dict, mais aux inconueniens qui peuuent suruenir de leur ordre. Je croy que ceux qui les fauorisent, seront bien empeschez de les desguiser en sorte, qu'ils puissent passer à l'examen de vos iugemēs. Mais ils veulent recourir à vne autre sorte de defense: car comme on dit que Manlius Capitolinus atteint & conuaincu de crime de leze maiesté, ne peut estre con-

Plaidoyé de

damné à la veüe du Capitol, qu'il auoit autresfois preserué: aussi veulent-ils cacher ces fautes sous leurs grands merites, & ne couchét pas de moins que de la conseruation de la religion Catholique, Apostolique & Romaine, qui, à leur dire, s'en alloit par terre sans ces forts Atlas, qui l'ont soutenue, & empesché sa cheute ineuitable. A la verité ie croy qu'il n'y a personne, qui ne se resouuienne, mais qui ne se resente des derniers malheurs de la France, qui l'ont amenee bien pres de sa ruine: toutesfois si toutes ces violences ont esté faites à bonne fin, s'il a fallu fermer les villes à son Prince, mutiner ses sujets contre luy, s'allier avec l'estranger: si (dy-ie) tous ces excés ont esté necessaires à la conseruation de la religion Catholique, ie diray librement *tanti fuisse*, ie n'enuieray point ceste gloire aux Iesuites s'ils l'ont meritée, & penseray qu'à iamais nous & nostre posterité leur sera redeuable. Mais ie desire que lon me donne preuue de ces grands & signalez seruices: & tout ainsi qu'un ancien orateur qui defendoit un criminel, se voyant en danger de perdre sa cause, descouurit aux Iuges la poitrine de l'accusé, & leur feit

voir les playes qu'il auoit receu pour son pais : ie voudrois de mesme qu'on nous fist voir quelcun de ces saints martyrs, qui eust enduré pour la religion, qui eust conuerty vn peuple deuoyé de la foy Catholique, & ie voudrois sçauoir aussi en quel lieu ils ont fait ces beaux exploits : parce que les demandeurs qui ont tousiours veillé soigneusement sur leur troupeau, ne leur ont veu rien faire digne de recommandation : au contraire, ils peuuent tesmoigner qu'ils ont diuisé les enfans de l'Eglise, eleué College contre College, Autel contre Autel, & comme vrais Tyrtees ont corné le sang, le meurtre, & la desobeissance. Si nous entrons en compte avec eux touchant ce qu'ils ont negocié hors le Royaume, tant s'en faut qu'on y puisse remarquer vn seul indice de bõnevolõté, que plustost on leur peut iustement reprocher qu'ils ont esté les premiers boute-feux, qui ont allumé la seditiõ parmi nous. On sçait que le premier qui fut enuoyé à Rome pour faire approuuer au Pape Gregoire 13. la leuee des armes qui se fit depuis en l'an 585. cõtre l'autorité du Roy, fut le pere Claude Matthieu Iesuite: qui toutefois ne luy peut iamais faire

Plaidoyé de

agreer ceste rebellion. Ingratitude digne d'un Iesuite, & de la fortune du Roy defunct, qui a esté le plus infidelement serui, que iamais fut Prince: car il auoit employé Claude Matthieu en ses plus particulieres deuotions: d'où il auoit assez recogneu l'affectiō qu'il auoit à la religiō Catholique, ce qui n'empescha pas de le trahir: l'ingratitude resēble les vlceres malins, qui s'enueniment par les medicamēs. Apres que ce Pape fut decedé, ils tascherent d'obtenir sur son successeur, ce qu'ils n'auoient peu gagner sur luy: & comme la condition des Princes est en cela bien miserable, qu'ils n'oyēt ny voyent que par les yeux & les oreilles d'autrui, & au trauers des passions de ceux qu'ils seruēt: ils le solliciterēt en sorte qu'il lança sur nous vn traiēt de son ire, & condamna vne action la plus necessaire, & par ainsi la plus iuste qu'il est possible. Mais depuis qu'il fut informé de la verité, il se batioit cent fois la poitrine, pour auoir creu si legerement des calomnies: & donna des indices si clairs de son desplaisir, que les Iesuites en mesdirent publiquement: & entre autres le pere Bernard preschant en l'Eglise cathedrale de Bourges, blasphema impudem-

impudemment contre sa mémoire, & voulut faire croire au peuple que son salut estoit desesperé, parce qu'il auoit voulu pacifier les troubles de France, & (comme il disoit) fauorisé les heretiques & politiques. Ie n'adiousteray point à cela tout ce qu'ils ont fait depuis à Rome à nostre prejudice: ie ne diray rien des trauerses que le Cardinal de Toledé a donné à la negociation de monsieur le Duc de Neuers: ie supplie seulement la Cour de se souuenir que celuy qui a donné commencement à leur ordre, estoit Espagnol, ennemi coniuuré des François, qui a laissé ceste haine hereditaire à ceux qui l'ont suiuy. Et de penser aussi que leur General est subiet du Roy d'Espagne, qui employe son credit à l'agrandissement de son Prince, à la volonté duquel resortissent toutes les conceptions des Iesuites, tellement qu'ils font tout ce qu'il leur est possible vers le Pape pour nous y empescher l'accès:

Per varios casus, per tot discrimina rerum

Tendimus in Latium, sedes vbi fata quietas

Ostendunt, -

S'il est vray que les Iesuites soient, comme ils se font nommer, *oculi mentis Papæ*, nous

Plaidoyé de

n'y ferons iamais accueillis de bon œil, tant qu'il plaira aux Espagnols. Ils se sont portez en sorte parmi nous, qu'ils ont fait cognoistre que le Roy d'Espagne se fert d'eux, comme d'hameçons pour surprendre les plus foibles esprits. Ce tyran nous a longuement combattu de lances d'or, & si cest arcenal ne se fust espuisé il nous eust esté plus mal-aisé de luy resister: mais apres auoir en fin cogneu *se verè piscatum esse hamo aureo*, & qu'il achetoit trop cher vne vaine esperance, au lieu de son or il nous bat de ruses & trahisons, dont la miniere est belle & grande, & ne luy manquera iamais, tādīs qu'il y aura parmi nous des Iesuites, qui en sont bons ouuriers. Toutesfois lors qu'on leur met cela sus, ils respondent, *Qu'ils sont François, qu'ils parlent & prononcent François, & ont appris ladite langue de leurs nourrices*. Je leur respons que ie ne tiens point pour François tous ceux, qui en ont l'habit & la langue: le *schibbolet* qui les discerne d'auec nous n'est pas au langage, mais aux actions & portemens au seruice du Roy. Estes-vous bien si effrontez de nier, que vous n'ayez rien dit, ny escrit contre sa Maiesté? Il y a vn grand nom-

bre d'escoliers, qui tesmoigneront que tous les themes que vous dictiez à ceux qui estudioient chez vous, estoient autant de libelles diffamatoires. Nous auons en main des propositions philosophiques imprimees & disputees en vostre College, où il y a vne epistre pleine d'iniures contre le Roy, que ie ne veux reciter. Nous auons de vos epistres pleines de blasphemes contre sa Maiesté : *sed quora pars scelerum*, à comparaison de ce que vous auez presché ? Vous n'oseriez nier que lors que le Roy defunct estoit à sainct Cloud en 89. vous alliez tous les iours sur les trenchées distribuer de l'argent & des viures aux soldats, & les animer par inuectiues continuelles à perseuerer en leur desobeissance ? Vous estes contrains de confesser que l'un de vous estoit chef des Seize, qui presidoit entre les voleurs, non pour moderer leur violence, mais comme le mastigophore, à fin de les élancer sur tous les gens de bien. Mais ie crains qu'il ne semble que ie les flate, si ie m'attache à ces fautes, laissant en arriere le cruel parricide qu'ils ont dessigné sur la personne du Roy. Ce n'est pas vne imposture, comme ils disent des autres chefs de

Plaidoyé de

leur accusation, car ils l'ont confessé & defendu : & leurs defenses contiennent vn autre crime de leze maiesté. Je vous supplie (Messieurs) de les escouter attentivement. Ils disent que Varade ayant ouy Barriere, qui luy demandoit aduis s'il deuoit tuer le Roy, *Il le iugea à son visage, regard, geste, & parole, esgaré de son sens.* Comment? Cest affaire estoit-il de si peu d'importance, que vous l'ayez examiné si legerement? Si Varade le iugeoit insensé, pourquoy luy enseignoit-il vn cōfesseur? pourquoy ne s'enqueroit-il depuis à ce confesseur, s'il perseueroit en ceste resolution, par où il est cogneu *iudicium animi* fuisse? mais oyons le reste, *Quand Barriere luy eut déclaré son intention, il luy respondit qu'il ne luy en pouuoit donner aduis, estant Prestre : & que s'il luy conseilloit, il encourroit la censure d'irregularité, & par consequent ne pourroit dire Messe, laquelle toutesfois il vouloit dire incontinent.* O Dieu! est-il possible qu'un Prestre estant sur le point de faire vn sacrifice de paix, ose proferer telles paroles, qu'il n'a peu faire misericorde, qu'il ne luy a point esté permis de dissuader vn parricide? Hypocrites que vous estes, penseriez-vous auoir violé le

Sabbat en fauuant la vie à vn homme? Vos reigles vous permettent de faire la Medecine, & d'exercer la Chirurgie, qui est interdite aux autres Prestres: & toutesfois vous faites conscience d'arracher le couteau des mains de celuy, qui veut meurtrir vostre pere? vous avez donc pensé que ce fust mal fait de le diuertir de son mechant propos, puis qu'en le faisant vous craigniez l'irregularité? Ceste defense vous condamne: car elle est conceüe en termes affirmatifs: elle ne porte pas que Varade s'excusast de deliberer sur ce fait, mais elle dit qu'il ne luy pouuoit conseiller de le faire, de peur de l'irregularité: cela mōstre de quel costé il inclinait. Les defendeurs ont adiousté à l'apologie latine qu'ils ont dressé, vne autre defense aussi mechante. Car ils disent qu'ils n'estoient lors en ville d'obeissance du Roy, & partant n'estoient point tenus de reueller ce dessein. Je les prens par leurs paroles. Car puis qu'ils parlent comme ennemis, le Roy parlera comme vainqueur. S'ils n'estoient pas obligez de luy faire donner aduis de ceste entreprise, il n'est pas aussi tenu de les conseruer en France, ny mesme de leur laisser la vie:

Plaidoyé de

ils sont compris en l'exception de la declaration qu'il a fait à la reduction de ceste ville, puis qu'ils sont complices de ceux qui ont attenté à sa Majesté. La personne d'un Roy est tousiours sacree, voire aux ennemis mesmes. Fabricius descouvrit à Pyrrhus la conspiration de son Medecin qui le vouloit empoisonner: Brutus investissant vne place, & se trouuant surpris de la boulimie, & en danger de mort faute de pain, recourut aux assiegez qui luy en donnerent, & fut sauué par ceux qu'il vouloit destruire. Il est permis d'vser de tous les artifices qu'on sçait pour surmonter ses ennemis, mais tuer vn Roy, ce n'est pas vaincre, c'est desrober la victoire: & ceux qui le font, sont indignes d'estre traictez selon le droict des gens. Mais (disent-ils) au pis aller il n'y a que Varade seul qui en soit punissable. Quoy? faut-il donc attendre qu'ils ayent fait tuer autant de Rois qu'ils sont, pour les chasser tous? Le forfait est il réparé par le bannissement d'un seul? Les Perses sont bien plus seueres en la punition des grands crimes, *vnus ob noxam tota propinquitas perit*: mais il ne les faut pas suivre en ce faict. Car ce n'est pas Varade

seul qui a failli, c'est vn crime commun de leur société, c'est vn article de leur doctrine, qui a resuscité les artifices du Vieil de la montagne. Il y en a peu d'entre eux qui ne soit de mesme aduis, & qui n'ait eu part à ce dessein : ils n'osent rien faire de leur teste, *si quid moliantur, capita conferunt*. Cela se peut iuger par le sujet des sermons, qu'ils faisoient au mesme temps. On vous a recité les souhaits ordinaires que Commolet faisoit d'un *Aod* : i'adiouste qu'environ le temps que l'Assassin deuoit faire son coup, il encourageoit les seditieux de ne se point relascher, & apres leur auoir fait entendre par ses gestes mimiques, qu'il se tramoit quelque chose, il les prioit d'attendre les nouuelles de l'exécution, ne leur pouuant deceler le conseil. Ceux qui confereront le temps de ses presches & de l'exécution du traistre, feront vn assésuré iugement de la complicité. Mais ie crains que la multitude des impostures, dont luy & ses semblables entretenoient le peuple abusé, ne face perdre les erres de ce faict à plusieurs. Car que n'ont-ils presché ? de quels menzonges n'ont-ils contaminé la chaire de verité ? Il semble que ceux de ceste secte

Plaidoyé de

soient les mauuais genies du peuple, qui le
suiuent tousiours pour le tourmenter. A
peine les enfans sont ils nez, qu'ils corrom-
pent les ieunes esprits par l'impression de
leur mauuaise doctrine, laquelle ils entre-
tiennent puis apres par leurs presches &
confessions, par le moyen desquelles ils
troublent tellement les consciences, qu'el-
les n'ont vn seul moment de repos, si on ne
fait ce qu'ils ordonnent. Je suis d'accord
avec ceux qui les loient, & disent qu'il y a
entre eux des hommes doctes & de grand
iugement: c'est ce qui nous met en peine;
ie crains vn ennemi sobre, ie crains vn en-
nemi sage, & qui a de la reputation parmi
le peuple: il n'y a rien de plus aisé à vaincre,
si vous gaignez son oreille vous auez gai-
gné son cœur: l'eloquence voilee de reli-
gion, est vn grand charme pour enforceler
les foibles iugemens. C'est pourquoy Pho-
tius en son Nomocanon dict qu'il estoit
estroitement defendu aux Predicateurs
d'esmouuoir le peuple par leurs presches.
L'histoire du temps de Charles sixieme que
lon nomme la chronique des Vrsins, porte
Que les Cordeliers de Paris ayans pres-
ché seditieusement, furent interdits de la
chaire,

chaire, & priuez de tous les priuileges de l'Vniuersité, iusques à ce qu'ils eurent fait satisfaction, & regaigné les bonnes graces du Roy. Zozime escrit qu'un certain Predicateur en Constantinople ne cessoit de mesdire de l'Imperatrice Eudoxia, & d'exciter le peuple contre elle, à cause dequoy elle se resolut de le chasser: mais il auoit gaigné tant de credit parmi le peuple, que pour empescher son bannissement il esmeut de grandes & dangereuses seditions. Car premierement les moines qui luy adheroient se saisirent du Temple, & empescherent le peuple d'aller faire ses prieres, & finalement voyans que leur entreprise ne pouuoit succeder, ils y meirent le feu, & bruslerent la moitié de la ville. Hé quoy? les seruiteurs du Roy n'ont-ils pas esprouué le semblable durant ces troubles? Ne leur a on pas fermé les Eglises, à cause du seruice du Roy? Et n'auons-nous pas veu que les sermons de ces sedicieux ont allumé un feu, qui a embrasé toute la France? Cessons cessons d'imputer au peuple le mal qu'il a faict, il n'estoit que l'instrument de ces ingenieurs: si vous empeschez que ce vent ne souffle, vous aurez ceste mer tran-

Plaidoyé de

quille. Ils se garderont bien de remuer à ce commencement, ils se tiendront clos & couuerts, & ne feront du mal qu'à cachette: mais leurs ruses sont d'autant plus dangereuses qu'elles sont malaisées à descouurir. *quemadmodum fluctus qui flante Aquilone maximi ac creberrimi excitantur, simul ac ventus posuit, sternuntur ac conflagrescunt, & mox fluctus esse desinunt: at non idem fit flante Austro vel Africo, quibus iam nihil spirantibus, vnde tamen factæ diutius tument, & à vento quidem iam dudum tranquillæ sunt, sed mare est etiam atque etiam vndabundum*: la raison de cecy estant que le vent de Midy & d'Occident soufflé d'un lieu plus bas, & se mesle plus doucement & plus facilement parmy les ondes: Ainsi les menees sourdes & secretes de ces hommes couuerts, ces vents & conseils demi-mores & Africains sont mille fois plus à craindre & se gardent plus longuement en l'esprit du peuple seduit, que ne feroit vne faction descouuerte, où il n'y auroit que de la violence & qui pour dire en vn mot, tiendrait de l'humeur septétrional. Et de cela feront foy les espreuues qu'en a faict la France en ce que les Anglois assistez de la force & de la hayne

de la maison de Bourgongne la plus puissante de ce Royaume, n'ont iamais reduit la France en telle extremité en deux cens ans, qu'ont fait les Espagnols avec les reliques & le reste du briz de ceste maison en peu d'annees. Ce qu'il ne faut pas attribuer à leur valeur, car ils ne sont en rien comparables aux Anglois, ny aux François, auxquels ils doiuent encores le reestablissemēt de leur couronne passé trois cens ans: mais cela prouient de l'adresse qu'ils ont à semer des diuisions parmi nous, & à les entretenir par la dexterité de leurs partizans & pensionnaires, comme font les Iesuites, qui ont derobé la clef des consciences du peuple, pour en disposer à leur discretion, & luy faire croire tout ce que bon leur semble. Ils attaquent les hommes par la plus scrupuleuse & dangereuse partie de leur esprit, qui est la conscience: ils les batement de l'opinion de religiō, & les surprennent lors qu'ils s'adressent à eux, qu'ils leur descouurent leurs plus secretes pensées, qu'ils cherchent du conseil & de la consolation. Vn esprit qui entre en soymesme, qui examine ses fautes, qui remarque son infirmité, qui minute desia sa condam-

Plaidoyé de

nation, est contrit & abatu: & tout ainsi qu'un malade oseroit à peine outrepasser les regles de son Medecin,

- *ferrum patietur & ignes,*

Arida nec sitiens ora leuabit aqua:

Ainsi est-il aisé d'imprimer des opinions estranges en vne ame estonnee, & y semer de l'impieté au lieu de religion: Il n'est point de plus dangereux empoisonneur, que le Medecin. La superstition est vne furie perpetuellement attachee à la conscience des ignorans, elle ne les laisse point reposer, & leur suscite des imaginations horribles, comme à ceux qui sont possédez de l'humeur mélancholic: & telles gens sont faciles à persuader, parce que leur crainte immoderee esblouit leur iugemēt, & les empesche de discerner la verité entre les impostures. Vn Spartiate se voulant faire agreger en vne confrairie, le Prestre luy demanda quel estoit le plus grand peché qu'il eust commis: Dieu le sçait, respondit-il: & comme le Prestre insistast, qu'il le deuoit cōfesser à Dieu de sa bouche, il luy dist qu'il se retirast donc d'aupres de luy, & qu'il n'auoit que faire de tesmoin. Ceste responce est pleine d'erreur & d'ignorance

payenne, & nous qui sommes nourris en l'escole de piété, sçauons de quelle main il faut embrasser la planche apres le naufrage: mais toutesfois nous pouuons en tirer vne instruction, qu'il importe grandement que nous n'ayons autres arbitres de noz consciences, que ceux qui en ont la charge, & desquels la probité nous est bien cogneüe. Il n'est point necessaire de vous représenter les exemples du mal qui est aduenü de leurs confessions, il n'y a bonne maison en France qui n'en ait vn familier & domestic: ie me contenteray d'en reciter vn qui est public, aduenü depuis peu de temps, entre les Suisses alliez de ceste Couronne, & qui partât nous touche aussi bien qu'à eux. Les Iesuites de Fribourg voulurēt persuader aux petits Cantons de se separer des Cantons protestans, & rompre leur ligue, qui est le seul Palladium des Suisses: mais trouuans les esprits des hommes trop fermes, ils s'adresserent aux femmes (comme feit le serpent qui tenta noz peres) & leur conseillerent de ne point rendre à leurs maris le deuoir du mariage, iusques à ce qu'ils eussent promis de rompre l'alliance: ce qu'elles executerent en sorte

Plaidoyé de

que les maris apprindrent la conspiration, & chastierent les seducteurs, comme leur temerité le meritoit. On peut iuger de là, que leurs confessions ne sont que pieges pour surprendre le peuple, & qu'il n'y a point en eux de zele de charité. C'est vn malheur que nous sommes les derniers à les descouurir, ou que les cognoissans nous n'en auons pas fait nostre profit. Je vous supplie (Messieurs) de prendre exemple sur ceux qui l'ont pris sur nous, & de remarquer la prudence de ceux qui sont sages à noz despens. Les Venitiens ont receu des Iesuites en leurs terres aussi bien que les autres potentats d'Italie, où il est mal-aisé de s'en sauuer. Ils les ont endurez doucement tandis qu'ils n'ont rien entrepris, mais depuis qu'ils se sont apperceus que par leurs confessions ils seduisoient leur peuple, & qu'en ce Royaume ils auoient fait tant de mal, ils les ont non chastes (car ils sont trop pres de Rome) mais renfermez dedans leurs maisons: & ce qui est à noter, la principale raison que red ceste sage Seigneurie de son ordonnance est,

POVR LES INCONVENIENS QUI
EN SONT ADVENVS EN FRANCE,

Nest ce pas vne merueille, qu'ils voyent plus clair en nos affaires que nous mesmes? Leur propre mal ne les a pas tant touché, que l'apprehension du nostre. Ils n'ont iusques icy reconnu en eux que le danger de leur feinte deuotion, de leurs presches & de leurs confessions, qu'eussent ils fait s'ils eussent eu autant d'occasion que nous? & que deuons nous faire à leur imitation? Quand les Iesuites ne feroient autre mal, que d'entreprendre sur la charge des Pasteurs ordinaires, sans y estre appelez, ceste impudente officiosité nous doit estre suspecte: ils debauchent les parroissiens, qui mesprisent dorefnauât leurs Pasteurs, & ne pensent pas estre bien confessez, fils ne vont aux Iesuites. J'apprens cela de leur propre tesmoignage, voicy l'extraict d'une Epistre que les Iesuites de Paris escriuirent à leur General en l'an 1587. qui est imprimée en leur college de Rome, *Confessiones auditæ, & quidem vniuersæ vitæ quamplurimæ. hæc est enim communis ferè omnium opinio, tum denique eorum satisfieri conscientie cum apud nos confitentur: ideoque nonnullus sexaginta miliarium confecit viam, vt à nostris audiretur.* (Il faut remarquer en passant, que par ces

Plaidoyé de

epistres anniuersaires ils reuelent les vns aux autres tous les pechez qui leur ont esté confessez , avec des circonstances si particulieres , qu'il est aisé de remarquer les personnes.) On voit donc par ce recit que les Iesuites destournent le peuple des parroisses , & destruisent en ce faisant l'un des plus grands poincts de la religion, qui consiste en l'obeissance. Ce n'est pas assez de faire des bonnes œuures , d'observer soigneusement les preceptes de l'Eglise, si on ne le fait en l'uniõ de l'Eglise: il n'y a point de salut hors de ceste arche, en quelque endroit que ce soit. Sortir de sa parroisse, pour aller ailleurs recevoir les sacremens, c'est laisser le Temple de Ierusalem , pour aller sacrifier aux montagnes de Samarie. C'est pourquoy les Conciles ont estroitement defendu aux Curez , de ne recevoir en leur Eglise autres que leurs parroissiens: Voicy les mots du Concile de Nantes, *Nullus presbyter aut diaconus alterius plebanũ, nisi in itinere fuerit, vel placitum ibi habuerit, ad missam recipere audeat* . Et veut le mesme Concile que les Dimanches le Curé s'informe deuant commencer la Messe s'il y a quelcun d'autre parroisse en son Eglise, à
fin de

fin de le mettre hors. - Quant à la penitence, elle ne profite point si elle n'est ordonnée par celuy qui a charge des ames, & la remission des pechez s'obtient principalement par la violence d'une priere commune que toute l'Eglise pousse vers le Ciel, & le force de s'ouurer à noz requestes. A ce propos dit saint Augustin, *laboret pœnitens in Ecclesia esse, & ad Ecclesiæ unitatem tendere. nisi enim unitas Ecclesiæ succurrat, nisi quod deest peccatori sua operatione compleat, de manibus inimici non eripietur anima mortui. ideoque nemo dignè pœnitere potest, quem non sustineat unitas Ecclesiæ.* A ceste occasion de peur que les penitens ne se separassent de l'unité de l'Eglise, & cherchassent des confesseurs à deuotion, il s'en fit vne defense expresse en ces mots: *Placuit ut deinceps nulli sacerdotum liceat quemlibet commissum alteri sacerdoti ad pœnitentiam suscipere, sine eius consensu cui prius se commisit, cum aliter illum non possit absolueret vel ligare.* Que si cela est ordonné pour la penitence, il l'est encores plus pour l'administratiō de l'Eucharistie. Saint Denys Areopagite au traicté qu'il en fait, en tire vne raison du nom de ce Sacrement, disant qu'il s'appelle *συνάξις*, com-

Plaidoyé de

munion: parce qu'il le faut recevoir en l'assemblée de l'Eglise, à cause dequoy les portes des Temples estoient fermées anciennement lors que le peuple communioit, à fin que nul ne peust entrer ny sortir: & neantmoins les Iesuites reçoivent indifferemment tous ceux qui s'adressent à eux, & comme vrais plagiaires les y attirent par leurs allechemens, & administrēt les Sacremens es parroisses de ceux qui ne le veulent point. Epiphanius au traicté contre les heresies liure 3. escrit que sous le regne de Constantin il y eut vn personnage nommé Audius grand zelateur de la religion Catholique, & grand ennemy d'Arius, qui fut neantmoins iugé heretique, parce qu'il faisoit ses Pasques à part à discretion, & ne vouloit point communier avec l'Eglise, & esmouuoit le peuple contre l'Empereur. Ceux qui suiuirent son opinion furent iugez heretiques non seulement pour ces raisons, mais aussi *δια τὸ ὠθεῖν ἑαυτοὺς ὀνόματι Χριστιανῶν τῆς ἀγίας ἐκκλησίας, & Χριστιανῶν εἰς ὄνομα Αὐδίου καλεῖσθαι*, pour auoir chāgé le nom de Chrestiens, & s'estre fait appeller Chrestiens-Audiens. Que si l'Eglise a eū raison de les condamner comme heretiques,

les Iesuites meritent iustement ce nom. Car premierement ils ne se sont pas contentez du nom de Chrestiens receu & canonisé de l'Eglise vniuerselle, ils ont usurpé celuy de Iesus, duquel les peres ont escrit que nul ne s'est osé surnommer, comme estant le nom plus ineffable du Seigneur: de sorte que tout ainsi qu'un citoyen Romain fut executé à mort parce qu'il auoit imposé des noms d'hommes libres à des esclaves: ainsi les Iesuites sont punissables pour auoir pris un nom trop auguste sans exemple des anciens. Secondement on voit qu'à l'imitation des Audiens ils seduissent le peuple des parroisses, & le font communier à part, comme si leur college estoit vne parroisse generale: en quoy les preceptes de leur maistre Ignace sont bien negligez: car luy ayant esté présenté un benefice pour l'un de ses compagnons, il respondit (selon qu'escrit vn de ses disciples) *Nostros homines quasi velites, ad subita belli ministeria promptos huc illucque discurrere, ac propterea ab omni munere eiusmodi vacuos liberósq; esse oportere.* Ses successeurs qui sont Cardinanx, & qui gemissent sous le faix des benefices, & autres richesses

Plaidoyé de

temporelles, ont mal fuiuy ceste regle: *sed hæ regulæ Lesbiæ sunt*. En troisieme lieu, les Iesuites, comme Audius, font reuolter le peuple contre son Prince, comme il a esté iustificié: tellement qu'ils sont aussi bien heretiques que luy. Mais Audius & les siens furent bannis par Constantin de l'Empire Romain: & apres auoir troublé quelque temps les lieux où ils furent releguez, finirent miserablement: voila le iugement & la fin des Iesuites: si on ne les veut punir comme ces Mages de Perse qui tuerēt leur Roy, desquels ils sont les vrais disciples. Car si on recherche ce qui s'est passé depuis trente ou quarante ans, on trouuera qu'il ne s'est fait vne seule coniuration contre la personne d'un Prince, où ils ne soient meslez. Il ne faut que voir le procès de celuy qui fut enuoyé pour tuer, & l'autre qui tua le Prince d'Orange, & rompit ceste forte digue, ceste grande escluse, qui a longuement empesché que le torrent d'Espagne ne debordast sur nous. Il ne faut que lire les confessiōs de Guillaume Parri, Patrice Cullen, Edmond Yorke, Richard Vuilliams en Angleterre, & de la Barre en France. Et si vous passez en Escoce, vous la

trouuerez encores toute enflâmée de guerres ciuiles, que y ont allumé deux Iesuites nommez Iacobus Gourdon, & Edmōdus Hay, qui ont seduit beaucoup de Noblesse, & l'ont fait conspirer contre leur Roy. Miserables que vous estes! Il semble que vous soyiez naiz à la honte & ruine de l'Eglise Catholique, puis que vous y faites vn asyle à la plus grande impieté du monde. La maison du Seigneur n'est pas vne cauerne de voleurs & meurtriers de Rois. Vn ancien Pere defendant les Chrestiens contre les impostures des Ethniques, disoit, Accusez-nous de superstitiō tant que vous voudrez, dites que nous sommes forciers, incestueux, inutiles à la republique, si aurons-nous cest aduantage que vous ne trouuerez point de tueurs de Rois & d'Empereurs entre les Chrestiens: *non de Christianis Cassij & Nigri & Albini, & qui inter duas lauros obsident Cæsarem, & qui faucibus eius exprimēdis palæstricā exercēt, & qui palatiū irrūpunt, omnibus Stephanis atque Parthenijs audaciores.* L'ordre Ecclesiastic de Frāce pouoit dire de mesme deuāt que vous fussiez venus en Frāce, mais vous l'auiez infecté de vostre humeur Espagnol, c'est à dire, bar-

Plaidoyé de

bare, cruel & infidele à ses Princes. Car voicy ce qu'en dit vn bon auteur ancien, *sumpserāt in Hispania Gotthi hanc detestabilem consuetudinē, ut si quis eis de regibus nō placuisset gladio eum adpeterēt: & qui libuerit animo, hunc sibi statuerēt regē.* Les François ont tousiours abhorré ces parricides, ils ont tousiours aimé & reueré leurs Rois. L'vn de nos historiens escrit, qu'vn Euesque de Rouen estant accusé de leze maiesté, le Roy le fait venir deuant luy, & luy tint ce propos: *Quid tibi visum est, ô Episcopo, qui hostem filiū patri fecisti, seduxisti pecunia plebem, ut nullus mecum fides habitam custodiret, voluisti que regnum meum in manum alterius tradere?* Ce n'estoit qu'une plainte & n'en voyoit-on pas de preuue; & neantmoins ie vous prie d'entendre le zele de nos peres, *hæc eo dicente infremuit multitudo Francorum, voluitque ostia basilicæ rumpere, quasi ut extractum sacerdotem lapidibus vrgeret.* Le Roy l'empescha prudemment. Mais qui trouuera mauuais que les François vsent de leur naturelle promptitude quand il s'agist de la vie de leur Roy? Suiuons suiuous l'exemple de nos predecesseurs: On nous dit que les Iesuïtes ont voulu faire assassiner le Roy, ils en ont dōné

des indices par leurs sermons. Le traistre a confessé qu'ils luy en auoiēt donné le conseil, & nous douterons maintenant ce que nous deuons faire de ceux, qui *in vnica illa ceruice* nous ont voulu à tous couper la gorge? Messieurs, vous n'aurez iamais vne telle occasion de deliberer de ce point: si vous ne les chassez vous les establissez en France: noz premiers mouuemens sont pleins de vigueur & de courage, mais ils fallentissent avec le temps. Nous l'auons assez esprouué en cecy, car depuis trente ans que ce faict fut agité, nous nous sommes endormis, & *vt serò Phryges*, nous n'auons pensé au mal qu'en l'endurant. Ce mal à la verité nous a piqué les esprits, & lors que nous estions au grand accès il n'y auoit vn seul de nous qui ne se resolust de ietter la premiere pierre. Ceux qui les fauorisent aujourdhuy, les iugeoient par la notorieté: mais depuis que nous auons veu le port, nous auōs oublié la tempeste. Les Iesuites qui cognoissent bien cest humeur, veulent tirer le iugement en longueur, & gagner le temps qui gagne tout en France: estans bien asseurez de vaincre, s'ils peuuent gauchir à ce coup. Les de-

Plaidoyé de

mandeurs supplient tres-humblement la Cour d'y donner ordre. Ils sçauent bien que leur profession les dispense de requerr la vengeance de leurs mechancetez, & ne veulent point imiter la cruauté des Iesuites, mais comme anciennement les Pontifes de Rome estoient obligez de donner aduis au Senat des prodiges qui se rencontroient, à fin de les expier: ainsi les demandeurs qui ont charge des choses sacrees, comme auoient ces Pontifes, vous aduertissent qu'il y a vn grand prodige en ceste ville, & en plusieurs autres lieux de France, c'est que des hommes qui se disent religieux, enseignent à leurs escoliers qu'il est permis de tuer les Rois & les Princes: C'est la plus monstrueuse doctrine qui fut iamais, *quare id portentum pro vestra prudentia procurete.*

IE conclus subordinément aux conclusions de l'Vniuersité, à ce qu'ou il ne plairoit à la Cour ordonner que les Iesuites de France vuideront & sortiront le Royaume, Que defenses leurs soient faites d'administrer les Sacremens, & entreprendre en sorte que ce soit sur la charge & pouuoir des demandeurs: Et demande despens.



Arrest de la Cour de Parlement contre Iehan Chastel Escholier estudiant au college des Iesuites de Paris, pour le parricide par luy atteté sur la personne du Roy : Et contre les Prestres & Escholiers dudit college, & tous autres soy disans de la societé du nom de Iesus.

VE V par la Cour, les grand Chambre & Tournelle assemblees, le proces criminel commencé à faire par le Preuost de l'Hostel du Roy, & depuis paracheué d'instruire en icelle à la requeste du Procureur general du Roy demandeur & accusateur à l'encontre de Iehan Chastel natif de Paris, escholier ayant fait le cours de ses estudes au College de Clermont, prisonnier es prisons de la Conciergerie du Palais, pour raison du tres-execrable & tres-abominable parricide attenté sur la personne du Roy: Interrogatoires & confessions dudit Iehan Chastel, ouy & interrogé en ladite Cour ledit Chastel sur le faict dudit parricide: Ouys aussi en icelle Iehan Gueret Prestre, soy disant de la congregation & societé du nom de Iesus demeurant audit College, & cy deuant Precepteur dudit Iehan Chastel: Pierre Chastel, & Denise Hazard, pere & mere dudit Iehan: Conclusions du Procureur general du Roy, Et tout considéré,

Il sera dit, Que ladite Cour a déclaré & declare

Arrests de la Cour

ledit Iean Chastel attain & cōvaincu du crime de leze majesté diuine & humaine au premier chef, par le tres-mechāt, & tres-detestable parricide attenté sur la personne du Roy. Pour reparation duquel crime a condamné & condamne ledit Iean Chastel à faire amēde honorable deuant la principale porte de l'Eglise de Paris, nud en chemise, tenant vne torche de cire ardēte du poix de deux liures, & illec à genoux dire & declarer, Que malheureusement & proditoirement il a attenté ledit tres-inhumain & tres-abominable parricide, & blessé le Roy d'un couteau en la face: & par faulx & damnables instructiōs il a dit audit procès estre permis de tuer les Rois, & que le Roy Henry quatriesme à present regnant n'est en l'Eglise iusques à ce qu'il ait l'approbation du Pape: dont il se repent & demande pardon à Dieu, au Roy, & à Iustice. Ce faict, estre mené & conduit en vn rumbereau en la place de Grēue. Illec tenaillé aux bras & cuisses, & sa main dextre tenant en icelle le couteau duquel il s'est efforcé commettre ledit parricide, coupee. Et apres, son corps tiré & demembré avec quatre cheuaux, & ses membres & corps iettez au feu & consuméz en cendres, & les cendres iettees au vent. A déclaré & declare tous & chacuns ses biens acquis & confisque au Roy. Auant laquelle execution sera ledit Iehan Chastel appliqué à la question ordinaire & extraordinaire, pour sçauoir la verité de ses complices, & d'aucuns cas resultans dudit proces. A faict & fait inhibitions & defenses à toutes personnes de quelque qualité & condition

qu'elles soient, sur peine de crime de leze Maieſté, de dire ne proferer en aucun lieu public, ne autre, leſdits propos: leſquels ladite Cour a déclaré & declare ſcandaleux, ſeditieux, contraires à la parole de Dieu, & condamnez comme heretiques par les ſaincts Decrets.

Ordonne que les Preſtres & Eſcholiers du College de Clermont, & tous autres, ſoy diſans de ladite ſociété, comme corrupteurs de la ieuneſſe, perturbateurs du repos public, ennemis du Roy & de l'Eſtat, vuideront dedans trois iours, apres la ſignification du preſent Arreſt, hors de Paris, & autres villes, & lieux où ſont leurs Colleges, & quinzaine apres, hors du Royaume: ſur peine où ils y ſeront trouuez ledit temps paſſé, d'eſtre punis comme criminels & coupables dudit crime de leze Maieſté. Seront les biens tant meubles qu'immeubles à eux appartenās employez en œuvres pitoyables, & diſtribution d'iceux faite ainſi que par la Cour ſera ordonné. Outre, fait deſenſes à tous ſujets du Roy d'enuoyer des eſcholiers aux Colleges de ladite ſociété, qui ſont hors du Royaume pour y eſtre inſtruits, ſur la meſme peine de crime de leze Maieſté. Ordonne la Cour que les extraits du preſent Arreſt ſerōt enuoyez aux Bailliages & Senefchancees de ce reſſort, pour eſtre executé ſelō ſa forme & teneur. Enjoint aux Baillifs & Senefchaux, leurs Lieutenans generaux & particuliers, proceder à l'executiō dedans le delay contenu en iceluy: & aux Subſtituts du Procureur general, tenir la main à ladite execution, faire informer des contrauentions, & certifier ladite Cour

Arrests de la Cour

de leurs diligences au mois, sur peine de priuation de leurs estats. Signé, DV TILLET.

Prononcé audit Iean Chastel, executé le ieudy vingt-neufieme Decembre quatre vingts quatorze.



Autre arrest de la Cour de Parlement contre Iean Guignard Prestre Regent au College des Iesuites de la ville de Paris, pour crime de leze Maiesté.




En par la Cour les grand Chambre & Tournelle assemblees, Le procès criminel fait par l'un des Conseillers d'icelle, à la requeste du Procureur general du Roy, A l'encontre de Iean Guignard, Prestre Regent au college de Clermont de ceste ville de Paris, prisonnier és prisons de la conciergerie du Palais, pour auoir esté trouué saisi de plusieurs liures contenans entre autres choses, approbation du trescruel & tresinhumain parricide du feu Roy, que Dieu absolue: Et inductions pour faire tuer le Roy à present regnant: Interrogatoires & confessions dudit Guignard: Lesdits liures representez recogneus composez par luy, & escrits de sa main: Conclusions du Procureur general du Roy: Ouy & interrogé en ladite Cour ledit Guignard sur les cas à luy imposez & contenus esdits liures: Et tout considéré,

Il sera dict, Que ladite Cour a déclaré & declare ledit Guignard atteint & conuaincu du crime de leze Maiesté, & d'auoir composé & escrit lesdits liures, contens plusieurs faux & seditieux moyens, pour prouuer qu'il auoit esté loisible de commettre ledit parricide, & estoit permis de tuer le Roy Henry quatrieme à present regnant. Pour reparation de ce, a condamné & condamne ledit Guignard à faire amende honorable nud en chemise, la corde au col, deuant la principale porte de l'Eglise de Paris. Et illec estant à genoux tenant en ses mains vne torche de cire ardante du poix de deux liures, dire & declarer, Que mechamment, malheureusement, & contre verité il a escrit, Le feu Roy auoir esté iustement tué par Iacques Clement: & que si le Roy à present regnant ne mourroit à la guerre, il le falloir faire mourir, dont il se repent, & demande pardon à Dieu, au Roy & à Iustice. Ce faict mené & conduit en la place de Gréue, pendu & estranglé en vne potence, qui y sera pour cest effect plantee: Et apres le corps mort reduit & consumé en cendres en vn feu, qui sera fait au pied de ladite potence. A déclaré & declare tous & chacuns ses biens acquis & confisque au Roy.

Signé, DV TILLET.

Prononcé audit Jehan Guignard, & executé le 7. iour de Iannier, 1595.






A MONSIEVR DOLLE,
Sur son Plaidoyer contre les Iesuites.

DOLLE quand i'ouy la harangue
De ton Plaidoyer eloquent:
Je ressenty bien que ta langue
Iusques au cœur m'alloit piquant.
Mais quand i'en ay veu la structure,
L'artifice, & l'ordre à loisir:
Je confesse que la lecture
M'a touché d'un plus grand plaisir.
Ta voix ressembloit vn tonnerre
Que le foudre en l'air suit de prés:
Ou vn grand vent qui contre terre
Renuerse les plus haults Cyprés.
Mais qui voit le riche mesnage
Dont tes escrits sont embellis:
Il pense voir vn iardinage
Méslé de roses & de lis.
ARNAVLD & roy d'un fort courage
Comme deux dogues acharnez,
Osastes attaquer la rage
De ces Alastors incarnez.
Tous deux courans en mesme lice,
Descouplez pour vn mesme effect,
Comme Diomedé & Vlysse,
Auez vostre ennem i deffait.

La Cour heureusement pourueüe
 De Iuges vertueux & droits,
 Quand l'occasion s'en est veüe,
 A chassé ces meurtriers de Rois.
 Ces meurtriers, qui de vains scrupules
 Bourrelans les confessions,
 Sous le beau lustre de leurs bulles
 Attrapotent nos successions:
 Et couuerts d'un peu de science
 Dont ils faisoient montre à vil prix,
 Par mille cas de conscience
 Traversoient les foibles esprits.
 Pernicieuses synagogues
 De sorciers, & de charlatans:
 Qui perdez par vos fines drogues
 La ieunesse de nostre temps:
 Allez débaucher en Espagne
 Les enfans des bonnes maisons:
 Et respandez à la campagne
 Vos grains benits & vos poisons.
 Fuyez d'icy, race damnee,
 Allez ailleurs faire desseïn:
 Le Senat vous a condamnée:
 L'air François ne vous est pas sain.
 Emmenez vos petits Cyclopes,
 Et leur Polypheme avec vous:
 Nous n'auons que trop de Steropes,
 Et de Pyracmons parmy nous.

ARNAULD, & DOLLE', qui vous voyent
Sortir de France en des-arroy,
Aux fers du Perou vous renuoyent
Tirer l'or pour vostre grand Roy.

N. RAPIN. P.



Sur le Plaidoyé de M. DOLLE'.

QUE ie prise, DOLLE', ton genereux
courage,
Quit'a fait opposer d'une constante voix
Aux desseins malheureux des assassins de Rois,
Qui nagueres au nostre ont voulu faire outrage.
Quiconque en tels perils use d'un froid langage,
Et desire apporter trop de douceur aux loix,
Quelque seblât qu'il face, il hait le nō Gaulois,
Et l'or venu d'Espagne à l'Espagnol l'engage.
C'est n'aimer point l'Estat, & se vanter à tort
D'estre fidele au ROY, c'est pourchasser sa more
D'estre pour ceux qu'on voit sur sa vie entre-
prendre.
On ne peut craindre assez pour conseruer le ROY:
Il faut tous delateurs en telle cause entendre,
Et mesme aux vains rapports adiouster quel-
que foy.

R. ESTIENE.

Ce qui est à corriger.

En la 1. & 3. pag. lisez, des 13. & 15. Iuillet,
Fueil. 10. p. 2. l. 21. Paul 3. an 1545. & l. 23. *casibus,*
qui non sunt
F. 11. p. 2. l. 9. *animaduertere, &c.* En cest endroit
faut adiouster en marge ceste cotation, *Non*
sunt verba Breuis, sed cuiusdam Interpretis.

Extraict du Priuilege.

IL est permis à Mamert Patisson Imprimeur du
Roy d'imprimer & vendre le Plaidoyé de M.
L. D O L L É Aduocat en Parlement, pour les Cu-
rez de Paris demandeurs, contre les Iesuites de-
fendeurs : ensemble les Arrests donnez par la
Cour contre lesdits Iesuites. Avec defenses à tous
Imprimeurs, Libraires, & autres de l'imprimer ne
vendre, sinon de ceux qu'aura imprimé ledit Pa-
tisson, iusques apres le tēps de six ans : sur peine de
confiscation desdits liures & d'amende. Donné
à Paris le 17. iour de Ianuier 1595. Signé, Par le
Conseil, VERTHAMONT : & scellé sur sim-
ple queue de cire iaune.



